

Inuussutissarsiutigalugu aalisarnikkut angallateeqqanik kvoteqartussanik minnerpaaffiliinissami takissuseq 9 meter aallaavigalugu pitsaaqutinik ajoqutinillu nassuiaateqaqqullugit ukiuni 12 ikaarsaariarfeqartillugit Naalakkersuisut nalunaarusioqqullugit peqquneqarnissaanik Inatsisartut aalajangiiffigisassaattut siunnersuut.

(Inatsisartunut ilaasortaq Henrik Fleischer, Siumut)

Akissuteqaat

(Aalisarnermut, Piniarnermut Nunalerinermullu Naalakkersuisoq)

Aappassaaneerpeqarnera

Inuussutissarsiutigalugu aalisarnikkut angallateeqqanik pisassiissuteqartussanik minnerpaaffiliinissami takissuseq 9 meter aallaavigalugu pitsaaqutinik ajoqutinillu nassuiaateqaqqullugit ukiuni aqqaneq marlunni ikaarsaariarfeqartillugit Naalakkersuisut nalunaarusioqqullugit peqquneqarnissaanik Inatsisartut aalajangiiffigisassaannik Henrik Fleischer-ip, Siumumeersup, siunnersuutaa pillugu Aalisarnermut, Piniarnermut Nunalerimullu Ataatsimiitiliap isumaliutissiissutaa pillugu ataatsimiititaliaq Naalakkersuisut sinnerlugit qutsavigissavara. Aammattaaq ataatsimiititaliami amerlanerussuteqartut siunnersuummut allannguutissatut siunnersuuteqarnerat pillugu qutsavigissavakka. Allannguutissatut siunnersuut naapertorlugu UKA2020-p aallartinnginnerani nassuiaatip naammassereersimaneqarnissaa kissaatigineqarpoq.

Ataatsimiititaliami amerlanerussutillit Siumumeersut Demokratineersullu isumaliutissiissummi erseqqissaateqarput kissaatigineqartoq uku apeqqutit nassuiaammi ilanngullugit qulaajarneqassasut:

- Minnerpaaffiliinerup 9 meterinut allanngortinneqamerata umiatsiaararsorluni aalisartunut aningaasatigut kingunerisassai.
- Allannguut imaani isumannaallisaanermut qanoq sunniuteqartussatut naatsorsuutigineqarnera.
- Piffissap ikaarsaariarfiusup ukiunik aqqaneq marlunnik sivilissuseqarnissaa imaluunniit sivilinnerulluni assersuutigalugu ukiunik tallimanik sivilissuseqarsinnaanera qanoq sunniuteqassanersoq.
- Umiatsiaaqqat pisassiissutitalit minnerpaamik 9 meteriunissaannik piumasaqaat atuutsinneqalissappat tamanna pisassiissutinik akuersissutinillu tunniussisarnermut qanoq sunniuteqarsinnaanersoq.
- Imaami isumannaatsuunissamut naleqquttutut isigalugu umiatsiaaqqat AIS-imik atortulinnik VHF-eqamissaannik GPS-eqarnissaannillu piumasaqaateqartoqassappat tamanna aalisartunut ataasiakkaanut qanoq kinguneqassanersoq.

Naalackersuisut siunnersuutip siullermeerneqarnerani tunngavilersuutitik innersuussutigalugit kissaatigineqartutut nassuiaasiussapput, qulaanilu apeqqutigineqartut aamma ilanngullugit nassuiaat suliariniarlugu.

Taamatut oqaaseqarlunga aalajangiiffigisassatut siunnersuutip kiisalu allngutissatut siunnersuutip akuerineqarnissaa Naalackersuisut inassuteqaatigaat.